

# Imigassat ethanolimik akullit Kalaallit Nunaanni sananeqarsimasut akitsuutaat pillugit Inatsisartut inatsisaata allanngortinneqarneranik Inatsisartut inatsisaat (Akileraaruserinerup qitiusumik ingerlanneqalernerata kingunerisaanik allannguutit)

## § 1

Imigassat ethanolimik akullit Kalaallit Nunaanni sananeqarsimasut akitsuutaat pillugit Inatsisartut inatsisaanni nr. 20, 11. december 2003-meersumi makkunatigut allanngortitsineqassaaq:

1. Inatsimmi sumi tamani "Akileraartarnermut Pisortaqarfik": "akileraaruseriffik"-mut allanngortinneqassaaq.

2. § 4, *imm. 2-mi*, "§ 14, *imm. 1*" imaalillugu allanngortinneqassaaq: "akileraaruserinerimik ingerlatsineq pillugu inatsimmi § 58, *imm. 4*".

3. § 8, *imm. 3*, *aamma* § 9, *imm. 3*, atorunnaarsinneqassapput.  
Kingunerisaanillu § 9, *imm. 4*, allanngortissalluni *imm. 3*-tut.

4. § 10, *imm. 1*, imatut oqaasertalerneqassaaq:

"Akitsuut akilernerqartussanngussaaq, piffissap akitsuusiiffiusup malitsigisaatut qaammatip tulluuttup aallaqqaataani, nalunaarsugaasumillu uninngasuuteqartuusoq akitsuummik akileraaruseriffimmut akiliissaaq kingusinnerpaamik qaammammi akiliiffissanngorfiusup ulluisa 15-ianni."

5. § 10, *imm. 2*, atorunnaarsinneqassaaq.

Kingunerisaanillu *imm. 3* allanngortissalluni *imm. 2*-tut.

6. § 13, *imm. 2 aamma* 3, § 14 *aamma* § 15 atorunnaarsinneqassapput.

7. § 16 imatut oqaasertalerneqassaaq:

"§ 16. Nakkutilliinermi iliusissat pillugit malittarisassanik Naalakkersuisut aalajangersaasinnaapput, tamatumani init atorneqartut qanoq aqqissugaanissaannut tunngasunik, uuttuutit ivertinneqarnissaat pillugit aammalu assingusunik nakkutilliinermi iliusissat pillugit, taakku akitsuutiniq eqqortumik naatsorsuinerup qulakkeerneqarnissaanik siunertaqassallutik."

8. § 17 *aamma* § 18 atorunnaarsinneqassapput.

9. § 19, *imm. 1, nr. 2*, imatut oqaasertalerneqassaaq:

"2) § 3, *imm. 1*, § 6, *imm. 1*, § 8, *imm. 1*, § 9, *imm. 1* imaluunniit § 10, *imm. 1*, unioqqutinneqarpata."

## § 2

Inatsisartut inatsisaat atuutilerpoq 1. juli 2007.

*Kalaallit Nunaanni Namminersornerullutik Oqartussat, ulloq 26. april 2007*

Hans Enoksen

/

Josef Motzfeldt

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut